

Ո Ր Ո Շ ՈՒ Մ N 147
Վարչական տույժ նշանակելու մասին

«26» ապրիլի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Հայաստանի Հանրապետության քաղաքացի Արամայիս Արմենի Մարտիրոսյանի (անձնագիր՝ AS0356554, ք.Երևան, Մալաթիա-Սեբաստիա, Անդրանիկի փողոց, շենք 114, բն. 38) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Թիվ 05100041/260223/0008306 տարանցման հայտարարագրով ՀՀ ներմուծված MITSUBISHI-CANTER մակնիշի, FE73EBY500315 նույնականացման համարով, 2003 թվականի արտադրության տրանսպորտային միջոցը սահմանված ժամկետում մինչև 08.03.2023 թվականը ներառյալ չի հասցվել նշանակման մաքսային մարմին՝ Երևանի մաքսային սպասարկման կենտրոն-մաքսատուն, վարչություն /«Ուրբան Լոջիստիք Սերվիսիս Տերմինալ» ՓԲԸ մաքսային հսկողության տարածք/:

Նշված փաստի առթիվ Արամայիս Արմենի Մարտիրոսյանի նկատմամբ Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 17.03.2023 թվականին հարուցվել է մաքսային կանոնների խախտման վերաբերյալ վարույթ՝ «Մաքսային կարգավորման մասին» ՀՀ օրենքի 305-րդ հոդվածի հատկանիշներով, այն է՝ մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը:

ՀՀ քաղաքացի Արամայիս Արմենի Մարտիրոսյանի քաղաք Երևան, Մալաթիա-Սեբաստիա, Անդրանիկի փողոց, շենք 114, բն. 38 հասցեին այս գործի մասին ուղարկվել է ծանուցագիր, սակայն փոստային ծառայության կողմից ծրարը հետ է վերադարձվել «տեղափոխված» նշագրմամբ:

ՀՀ քաղաքացի Արամայիս Արմենի Մարտիրոսյանի հասցեի և իր անվամբ առկա գույքի վերաբերյալ տեղեկատվություն ստանալու նպատակով՝ հարցումներ են կատարվել ՀՀ Ներքին գործերի նախարարության միգրացիայի և քաղաքացիության ծառայություն և ՀՀ կադաստրի կոմիտե:

Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն, որ ՀՀ քաղաքացի Արամայիս Արմենի Մարտիրոսյանը, ծնված՝ 19.02.1993 թվականին, 09.03.2009 թվականից հաշվառված է քաղաք Երևան, Մալաթիա-Սեբաստիա, Անդրանիկի փողոց, շենք 114, բն. 38 հասցեում:

Ի պատասխան հարցման՝ ՀՀ կադաստրի կոմիտեն տրամադրել է տեղեկատվություն առ այն, որ քաղաքացի Արամայիս Արմենի Մարտիրոսյանի (անձնագիր՝ AS 0356554, ծնված 19.02.1993 թ.) անվամբ քաղաք Երևան, Մալաթիա-Սեբաստիա, Զ. Անդրանիկի փողոց, 114 շենք, N 38 բնակարան հասցեի նկատմամբ գրանցված է ընդհանուր բաժնային սեփականության իրավունք, ինչպես նաև քաղաք Երևան, Մալաթիա-Սեբաստիա, Լենինգրադյան փողոց N 27/7 շենք, N 274 ավտոկայանատեղի նկատմամբ գրանցված է կառուցվող շենքից անշարժ գույք գնելու իրավունք:

ՀՀ քաղաքացի Արամայիս Արմենի Մարտիրոսյանին հայտնաբերելու և ծանուցելու նպատակով՝ գրություն է ուղարկվել ՀՀ ՊԵԿ մաքսանենգության դեմ պայքարի վարչություն:

ՀՀ քաղաքացի Արամայիս Արմենի Մարտիրոսյանը ՀՀ ՊԵԿ մաքսանենգության դեմ պայքարի վարչության կողմից առձեռն պատշաճ ծանուցվել է գործի քննության օրվա և ժամի մասին, սակայն չի ներկայացել գործի քննությանը:

ՀՀ քաղաքացի Արամայիս Արմենի Մարտիրոսյանը այս գործի վերաբերյալ ծանուցագիրը ստանալուց ներկայացրել է տեղեկատվություն առ այն, որ տրանսպորտային միջոցը խափանված է, այդ պատճառով չի ներկայացրել մաքսային մարմին, սակայն այդ հանգամանքը հավաստող որևէ փաստաթուղթ չի ներկայացրել: Միաժամանակ ներկայացրել է Երևանի մաքսային սպասարկման կենտրոն-մաքսատուն, վարչության պետին 09.03.2023 թվականին ներկայացված անսարքության պատճառով տարանցման հայտարարագրի երկարաձգման վերաբերյալ դիմումը, սակայն դիմումը ներկայացված է սահմանված ժամկետից ուշ, քանի որ տարանցման ժամկետը ավարտվել է 08.03.2023 թվականին:

ԵՏՀ կոլեգիայի 13.12.2017 թվականի թիվ 170 որոշման համաձայն՝ «Մաքսային տարանցում» մաքսային ընթացակարգին համապատասխան ապրանքների փոխադրման դեպքում մաքսային տարանցման ժամկետը երկարաձգելու համար՝ նախքան ուղարկող մաքսային մարմնի կողմից սահմանված՝ մաքսային տարանցման ժամկետը լրանալը հայտարարատուն կամ փոխադրողը (այսուհետ՝ անձ) մաքսային տարանցման սահմանված ժամկետը երկարաձգելու վերաբերյալ հիմնավորված դիմում (էլեկտրոնային փաստաթղթի, ազատ ձևով կազմված՝ թղթային կրիչով փաստաթղթի կամ թղթային կրիչով փաստաթղթի էլեկտրոնային պատճենի ձևով) (այսուհետ՝ դիմում) է ուղարկում»:

ԵՏՄ մաքսային օրենսգրքի 150-րդ հոդվածի 1-ին մասի 1-ին կետի համաձայն՝ «մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայր՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Վարչական վարույթի նյութերի ուսումնասիրությունից պարզվում է, որ Հայաստանի Հանրապետության քաղաքացի Արամայիս Արմենի Մարտիրոսյանը սահմանված ժամկետում մաքսային հսկողության ներքո գտնվող տրանսպորտային միջոցը և ուղեկցող

փաստաթղթերը մաքսային մարմին չի հասցրել, միաժամանակ չի ներկայացրել իր կողմից շահագործվող տրանսպորտային միջոցի խափանված լինելու հանգամանքը հավաստող փաստաթուղթ:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 305-րդ, 301-րդ, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Քաղաքացի Արամայիս Արմենի Մարտիրոսյանին «Մաքսային կարգավորման մասին» ՀՀ օրենքի 305-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **100 000 ՀՀ դրամ:**


2. Որոշման մասին հայտնել քաղաքացի Արամայիս Արմենի Մարտիրոսյանին:

3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. «Մաքսային կարգավորման մասին» համաձայն ՀՀ օրենքի 334-րդ հոդվածի 4-րդ մասի վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. **900005024055՝ 100000 ՀՀ դրամ, նշել 30 կողք:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ